



# Arubaanse Courant

página 26.

DIARAZON 17 JUNI 1964

No. 5060.

## Puntos Editoriales Polis y careda di auto

El diario cu hopi biaha ta wor-  
yama "Cameleon di Curacao"  
pa dia ta sink mas hundo  
n e lodo di locura journalis-  
co. Esun cu dialuna ultimo por  
ejemplo a tira un bista den e  
diario aki, atrobe por a goza di  
un estilo banda di cual e diario  
hulandes di sensacion "De Te-  
graaf", ta keda manera un  
tucha chikito.

Nos no kier papia mes di e  
scrubimento di e corresponden-  
di Aruba, kende por ay a  
tra un dibujo di un cabez di  
mucha muher y cu palabran  
exalta ta scribi tocante di  
da menos cu un "Sexbom ca-  
blond". Si en berdad, el a  
tra claramente cu e mucha mu-  
r tabata blond. Y tampoco nos  
kier bisa nada di e estilo di  
rbi di e redaccion di Amigoe,  
nde ariba pagina tres a scri-  
"Hechos a worde publica a-  
be. Despues di un atake ari-  
un miembro respeta di nos  
unidad, nos redactor ta esun  
ta worde ataka". Wel, semper  
s kere cu e hefe redactor  
nbe tabata respeta.

Arriba un noticia den pagina  
s, titula: "Publicacion pa pone  
oridad bao di presion", cu nos  
r comenta. Despues cu nos a  
apa Amigoe ariba un serie di  
tacionan den na n dunamento  
noticia, awor Amigoe tambe a  
ba di atrapa nos diario ariba  
error, pero esaki a causa e  
rio cu el a haci salto mor-  
pone sanger fria den bena.

Manera ta conoci medio siman  
a nos a publica un noticia,  
cual ta para cu dialuna ul-  
atrobe carenan clandestin-  
a worde teni ariba e cono-  
trajecto di Basi-Ruti - Mal-  
k.

Tabata un careda di auto clan-  
tino y manera hopi biaha an-  
dormente, e tabata organisa  
tal manera, cu polis no tabata  
i nada di esaki y asina e  
edanan por a tuma lugar  
nkilmente. Segun nos informa-  
lo tabatin algun mil inte-  
ado na e careda.

Den su rapport Oe Thant ta par-  
ticipa di a delibera cu miembro-  
nan di e consejo di representan-  
tenan di e paisnan, cu a pone  
trupa y fondonan na disposicion.  
E paisnan cu a pone militarnan  
disponibel parce ta dispuesto pa  
sigui haci esaki riba peticion.

Ademas Oe Thant a menciona  
Jagan ta protesta  
serca Nacionan Uni

GEORGETOWN, 17 Juni - E go-  
bierno di dr. Cheddi Jagan, pre-  
mier di Guyana Ingles, a dicidi  
pa protesta serca secretario ge-  
neral Oe Thant di Nacionan Uni  
contra arestacion di vice-pre-  
mier, Brindley Benn y cuater  
otro miembro di gobierno, riba  
orden di gobernador Richard Luyt.  
Asina a worde informa di bon  
fuente.

Dr. Jagan a participa, cu si e  
arrestantenan no worde liberta,  
e lo cuminsa cu un campanya  
di desobediencia civil den tier-  
ter e pais. Un portavoz di e  
servicionan di orden a declara  
e ora ey, cu un tal decision  
lo por tin como consecuencia  
cu Dr. Jagan lo worde aresta.

(Sigui lesa pag 3)

# TEMBLOR FUERTE NA NOORD-JAPON

TOKIO, 17 Juni - Un temblor, cu pa loque su forsa  
tabata mescos cu esun cu a azota Tokio na any  
1923 y cu a costa bida di 143.000 hende, a azota  
e provincianan Nigita, Yamagata y Akita na Noord  
Japon. Segun e prome noticianan tin 18 morto.  
For di e riunan di un school nan a saca cadaver-  
nan di tres mucha. 13 Otro mucha a worde saca  
for di e restunan di e school cu heridanan.

E sacudimento a tuma lugar aye-  
ra merdia un'or. Den e ciudad  
Nigita tabatin candela y un con-  
tenedor di gas a rementa. E riu  
Sjinano a causa inundacionnan door  
cu na hopi lugar hopi pidanan  
grandi di terra a cai den e riu.

Algun brug a cai aden y e  
camindanan a scheur.  
For di Akita ta worde anuncia  
cu dos persona a muri a con-  
secuencia di piedra cu a cai.  
Na Nagano dos hende a muri  
bou di un palu.  
Segun e stacion meteorologico

e epicente di e temblor tabata  
situa 270 kilometer noordwest  
di e bahia Tomaja den mar Ha-  
pones.

E ultimo cifranan di e temblor  
riba e isla Hapones Honsjoe ta  
bisa cu tabatin 19 morto y dos  
persona perdi. Cien y cuarenta  
hende a sufri lesionnan y 700  
cas a worde destrui.

Den e porta Nigata e temblor  
a causa mas danyo cu tur otro  
caminda. Un tercera parti di e  
ciudad ta destrui.

Diferente barrionan ta inunda  
door cu un dam a kibra. Tur ca-  
minda tin candela. Tankinandi-  
za tabata plama un huma pretu.

## Comemoracion difunto

### Juancho Yrausquin

ORANJESTAD, 17 Juni. - Pa di  
dos biaha diasabra venidero lo  
tuma lugar na Aruba e conme-  
moracion di e fallecimiento di  
ministro Juancho Yrausquin si  
senjora biuda Maria Yrausquin  
pa e dia ey no a bolbe for di  
Estados Unidos ainda, caminda e  
ta na e momento, anto e grupo lo  
forma na e cas di ministro E.O.  
Petronia. For di aja nan lo di-  
rigi nan mes pa e santana pro-  
testant caminda kransnan lo wor-  
de poni y un cuatro personalo di-  
rigi palabra. Si senjora Yrausquin  
bolbe na tempo anto e grupo lo  
forma na su cas den L.G. Smith  
Boulevard.



Den theater di Utrecht prins Bernhard a asisti na un reunion di e or-  
ganisacion "Nederland in den Vreemde" cu a celebra su 50 aniversario.  
Aki e prins ta combersa cu jhr. C.A.J. de Ranitz, alcalde di  
Utrecht.

**FATUM**

 Pa tur bo aseguronan  
Tel. 1845.

## President-director KLM a contesta

ORANJESTAD, 17 Juni. - Ayera  
mainta senjor Clinton Whitfield  
como representante di e grupo  
di comerciantenan cu ultima-  
mente a reuni pa delibera cuan-  
to y con leeuw e deliberacion-  
nan di aviacion na Hulanda por  
efectua e comercio di Aruba y  
cual grupo e ora a dicidi di  
manda algun telegramanan sker-  
pi pa e partidonan envolvi den e  
deliberacion, a hanja un telegram  
como contesta for di e presiden-  
te director di KLM. Den esaki  
senjor L. Alberda ta duna su gra-  
dimento pa e telegram cu el a  
ricibi dia cinco di Juni ultimo.  
Alavez senjor Alberda ta bisa cu  
loke a worde treci adilanti den e  
telegram a worde papia cu e vi-  
ce premier Hulandes y e pre-  
mier di Antillas. Den e telegram  
a worde bisa tambe cu cuenta lo  
worde teni cu e interesnan di A-  
ruba, mientras cu a worde mus-  
tra claramente cu e cooperacion  
ofreci pa e comerciantenan di A-  
ruba ta worde aprecia masha.  
Manera ta conoci e grupo di e  
comerciantenan di cual ta trata  
a manda un telgram na senjor  
Alberda den cual nan ta duna  
muestra di preocupacion ariba e  
caracter di e deliberacionan. Nan  
a bisa tambe di ta compronde e  
situacion financiero di KLM cu  
den ultimo anjanan tabatin perdi-  
danan grandi. Den e telegram a-  
lavez e speranza a worde duna  
cu KLM lo no trata di saka e al-  
gun cien millonan di florin cual  
nan a perde den e ultimo anja-  
nan, for di e comunidad di Aru-  
ba.



# Conferencia mundial a termina Union di paisnan di desarrollo tabata e hecho dominante

GINEBRA, 17 Juni. - Den un declaracion di e 75 paisnan di desarrollo, cu na fin di e conferencia mundial di comercio a worde pronuncia nan ta bisa, cu e union di e 75 paisnan di desarrollo tabata e hecho dominante di e conferencia mundial di comercio y un suceso di importancia historico.

E conferencia mundial di comercio ta un paso mas cercadirealisacion di un orden mas husto den comercio mundial, pero e 75 paisnan di desarrollo ta di opinion cu e progreso cu a worde obtene na e conferencia no ta suficiente den cada un di e sectornan importante di politica economica pa provisiona den nan necesidadnan esencial, asina e declaracion ta bisa mas aleu. Pero e paisnan di desarrollo a acepta e resultadonan di e conferencia aki, den e speranza cu e resultadonan lo por abri caminda pa un adelanto

mas importante den futuro. Nan ta acepta e resolucioanan tambe pa demostra, cu nan ta mira e necesidad di un intento pa cooperacion riba terreno internacional, asina e declaracion ta bisa. Tambe e paisnan di desarrollo ta duna suma importancia na proceduraman democratico, cu no ta admiti posicioanan privilegia mas pa interesnan especial riba terreno economico y financiero of riba terreno politico, asina e declaracion ta sigui mas aleu. E 75 paisnan ademas ta di opinion cu e representante-

nan di nan gobiernonan, durante e venidero asamblea general di Nacionnan Uni lo mester studia e reglanan pa yega na un consolidacion di nan union.

E conferencia comercial mundial cu votonan general a acepta lantamentu dje instalacionnan internacional. Den prome luga a ser dicidi que conferencia comercial lo ta periodica y lo reuni pa di dos biaha den verano di 1966. Tambe a ser lanta un organo permanente: Consejo pa comercial internacional. Esaki lo por reuni te dos biaha anual y e ta consisti di 55 miembro. Esaki kler meen, 18 di occidente, 6 socialista, 9 Latino Americano y 22 Afro Aziatico. Un comision di expertonan despues di deliberacionnan cu e gobiernonan cu a worde lanta pa secretario general di Nacionnan Uni lo desarrolla e sistema di arbitrahe, cu mester protela interes di cada pais, tumando en cuenta e principio di un voto pa cada pais den e consejo di comercio internacional. Paul Prebisch



Janet Marie Hawley, di 22 aña di edad, tres aña pasá tabata Miss Utah. Riba e foto aki e ta ser escolta pa bai un misa di Chicago pa contra matrimonio cu Anthony Ross Accardo, yiu di Anthony (Big Tuna) Accardo, un gran figura den mundo di crimena Merca. E matrimonio tabata e evento social di aña pa mundo di crimen di Chicago.

## Flegmatismo Britanico

Londres, 17 di juni. Un di e juristanan britanico mas destaca, a mantene su postura digno mientras un señora den plena corte, a tira dos buki mal e mik riba dje. Lord Denning autor di e informe legal tocante di e caso


di Christine Keeler, ni sikiera a move mientras cu e bukinan tabata pasa na algun centimeter for di su pruk, y despues a limita su mes na bisa pa "e señora ser saca for di e sala di corte."

Vera Stone, un rubia di 37 aña di edad, kende tin un predileccion especial pa promove huicio, a

preveni e hues cu e lo bolbe cu mas buki, y despues a felicite pa su sanger frieuw, Hues Lord Denning tabata tendiendo argumentacionnan den e causa cuminsa door di señora Stone contra di e asosacion di taquigrafos.

Normalmente nan ta anuncia e huicio, haci e argumentacionnan y ei tur cos ta caba. Pero señora Stone di repente a bisa cu e kler a presenta un protesta, y a tira un buki den direccion di e cabes di Lord Denning pa ripiti di inmediato e intento atrobe.

Tur dos e proyectilnan "a heru e blanco.



E foto aki ta duna un bunita bista riba e pier nobo qu recientemente a ser oficialmente inaugurá na St. Maarten. E pier ta modernisimo y ta situa net bon, protegá pa e serrunan di e isla.

## Chipriotanan turco ta malcontento

NEW YORK, 17 Juni E presidente di e camara Turco di delegado na Chipre, Rauf Denktasj y e minister Turco di defensa, Osman Orek, a yega New York ayera nochí pa pone e consejo di seguridad di Nacionnan Uni na altura di e actitudnan ilegal di e trupanan di Nacionnan Uni riba e isla. Segun nan e posicion di e ehercito di Nacionnan Uni abira imposibel, loque por tin consecuenecianan desastroso pa comunidad Turco. President Makarios, asina nan ta bisa, ta usa e ehercito como un pantaya tras di edal e por viola constitucion sin ser castiga.

## Nota di China pa Inglaterra

Londres, 17 Juni E ministerio di relacionnan exterior a confirma di a ricibi un nota di China Comunista tocante di e crisis di Laos. Un vocero a declara cu e no tabatin comentario di haci tocante di e contenido di e mensahe. Gran Bretaña lo consulta cu Union Sovietica tocante di e saki.

E nota a ser dirigi pa Reino Uni den nan capacidad di copresidente di e convencion di 1954 respecto na Indochina.



HONRONERONAN CONTENTO--E sluggernan di Minnesota Twins ta contentu di por pose pa fotografonan pa motibu cu nan ta encabesa e lista di honroneronan di Liga Americana. E seis bateadornan aki ta di robes pa drechi: Rich Rollins, Harmon Killebrew, Bob Allison, Don Mincher, Jimmy Hall y Tony Oliva.



## Apuntes Editorial

(Continuasion di pag 1)

ci door di autoridadnan di polis a bin na cla cu e anochi y e marduga ey no a worde constata cu tabatin un multitud di dos mil persona pa polis cu regularmente tabata patruilla ariba e caminda (probablemente e kier meen " e trajecto die caminda", como cu pafor di e caminda no tin mucho di patruilla. red. A.C.).

Aki nos tin un bunita muestra di e homber na sonjo cu a worde horta. Mientras cu e homber tabata morto na sonjo ta ronka di dje, tres ladron a logra dren-ta su cuatro di drumi y bai cu su cartera cu placa.

E siguiente dia e homber a keda persisti cu no a worde horta, pasobra e tabata na cas y no a mira nada. Pero kende ta bai puntra e drumidor si el a mira e ladron? Y kende pues, si e drumidor ta nenga, ta bai saca e conclusion cu "pues no a worde horta?"

Den e mes noticia Amigoe ta bisa ainda: Nan ta laga nan lectionnan sabi cu e hefe local di polis (nos ta kere cu ta e hefe interino), a declara di no a duna Aruba Racing Association e trajectonnan pidi, como cu door di falta di polis na Aruba (esta tin poco polis pa e isla) na organisamento di tal caredanan ariba caminda publico seguridad di e mironesnan no por worde garantisa. Cu esaki Arubaanse Courant en absoluto no ta di acuerdo. Na promer lugar nos mester compronde bon, cu pa Drag Race ta unicamente un trajecto chikito mester y no un caminda largo di algun kilometer. Alavez nos ta puntra nos mes, pakiko durante di carnaval y ariba dia di aña di La Reina si tin bastante polis pa gia trafico y tene e publico na orden y pakico esaki no por tuma lugar pa organisa tal caredanan.

En cuestion cu esaki nos kier muestra, cu na tal caredanan polis tene e publico na un distancia mas cu segur for di e pista di pusta endudablemente lo por hanja e cooperacion di caballeronan disciplina y bon ge-train di e Brigada Voluntario di Trafico, cu ya anteriormente a muestra di por duna polis un bon yudanza. Pesel e problema di falta di bastante polis no por worde accepta pa nos, especialmente tambe pasobra na tenemento di e caredanan aki por worde stipula cu e publico por para of sinta unicamente na un cierto lugar den becindario di e pista di careda.

Pero Amigoe ta bisa mas ainda den su articulo: E polis di Aruba ta mira e publicacion den su diario tocante di e Race di siman pasa dia Luna cu un publico di dos mil persona, "Como un esfuerzo pa obliga autoridad pa duna permit pa tene e caredanan". Pero nos tambe lo kier a bisa algo en cuanto esaki.

Esaki por cierto no tabata nos intencion pa pone presion ariba autoridad cu nos publicacion. Pero si sin embargo door di e publicacion aki, nos a yuda cu autoridad atrobe ta worde hinca den e problema aki y ta preocupa su mes door di e situacion cu ta manifestando, anto nos ta contento pa esey.

Pasobra un biaha mas nos kier muestra cu e problema ta mas grandi y mas urgente cu kizas ta worde sopone. Di loke ta trata aki han ta cu ta sigur mescos cu solo ta sali tur dia, cu na Aruba tin hopi hobenan, kendenan tin un gusto insoportable pa expresa nan genio den un auto cu e pedal di gas primi aden te na bom.

Autoridad cu ta worde confronta cu e problema aki awor tin un choice for di dos posibilidad: gia e genio di e hobenan aki over di camindanan di un organisacion legal y cu control di autoridad, of no muestra ningun interes pa problema, como cu nan ta kere cu di mes esaki lo caba; como cu nan ta kere cu e caredanan clandestino lo caba asina cu polis logra di gara un di

## FORZANAN DI GUERRA DI ALEMANIA WEST

BONN, 17 Juni - Gobierno di Alemania Occidental a rechaza e declaracion dje comisario di guerra pa Bundeswehr, segun cual e forzanan di guerra di Alemania Occidental ta amenaza di desarolla nan mes pa un estado den un estado, como algu sin base.

E bosero di gobierno Guenther von Hase, tambe a rechaza na un conferencia di prensa tur e otro cosnan constata, cu ta contene den un articulo dje revista ilustra "Quick", y desendiente dje vice almirante pensiona Hellmut Heye.

(almirante Heye, cu a worde nombra pa bonsdag "ombudsman", meste a vigila derechonan constitucional dje militarnan di Alemania Occidental). E articulo a sali algun dia despues, cu almirante Heye a entrega su report anual cerca Bonsdag. Den esaki el a papia tocante un aumento di kelonnan tocante violacion riba derechonan di militar-

### Club di Paris a tene reunion

PARIS, 17 Juni - E ministernan di finanzas di e diesun paisnan, cu ta miembro di "Club di Paris" - entre cual e paisnan di EEG - a reuni ayera nochi cu portanan sera pa atende problemanan monetario internacional.

Nan lo duna un comunicado. Awe e ministernan tabolber reuni. E grupo a pone como su intencion pa investiga e problemanan internacional di liquidacion.

Segun circulonan bon informa e ministernan entre otro ta delibera tocante un plan ingles-mericano, cu ta provisiona den un aumento considerable di e medionan di placa cu ta worde pone na disposicion di e fondo internacional monetario.

Den un comunicado cu a worde publica despues di e reunion di representantenan di "Club di Paris", pa delibera e sistema monetario internacional, a worde participa, cu tabatin un discusion util, for di cual a resulte un acuerdo hopi avanza entre e negociador. Peronanno a anuncia ningun decision. E ministernan di finanzas y gobernadornan di banconan central a duna nan representantenan orden pa traha un declaracion comun, cu nan lo atende despues y publica den verano.

Circulonan generalmente bon informa a declara, cu e minister y gobernadonan di banconan central a atende proposicionnan pa aumenta e medionan riba cual e fondo monetario internacional ta dispone y un sugestion apoya pa Francia y Ulanda pa crea un unidad nobo di moneda pa trafico comercial internacional, cu parcialmente ta basa riba oro.

e puestadornan y pone tras di trali. Pero si ta e punto di bista aki gobierno ta escohe anto pues nan ta escohe tambe un risico grandi. E risico cu e caredanan clandestino na cierto momento lo no worde teni mas anochi of marduga ariba un caminda keto, pero di dia ariba cual kier caminda hopi ocupa, banda di cual bo cas ta para, banda di cual bo yunan ta hungando, caminda kizas bo mes ta pensa cu bo ta coriendo safe tras di bo stuur.

Nos tin di warda prome te ora cu morto duna prueba cu Arubaanse Courant tabatin razon???

En absoluto no s no ta di acuerdo cu caredanan clandestino. Pero nos ta hanja cu nan ta comprendibel. Pues nos ta compronde pakiko nan ta worde teni. Pero si ta incomprendibel pa nos cu autoridadnan no ta tuma e oportunidad cu tur dos man y huntu cu Aruba Racing Association, un organisacion cu reglamentonan bon y stricto busca un solucion pa e problema. Nos ta kere cu esaki ta mas facil cu ta worde pensa.

nan y a bisa, cu tin contradiccion den ehercito contra e principio di e direccion moral den ehercito. Den e articulo cu ta duna un opinion mas cla, ta ser bisa, cu Bundeswehr irremediabilmente ta desarolla den direccion di un estado den un estado. Si e desarrollo aki no wordu frena, segun almirante Heye tin miedo, lo wordu crea un Bundeswehr equipa cu armanan di mayan cu un gobierno di ayera (e periodo di NAZI).

### Princesa Beatrix a bai Inglatera

SCHIPHOL, 17 Juni - Prinses Beatrix, cu e siman aki lo asisti na Inglatera na henter e festividad di siman Ascot, cu su famoso carredanan di cabai, a sali di Schiphol pa Londen. E princesa lo wordu compania ne bishita inoficial aki pa solamente un recherci di servicio di seguridad di cas real y un dama di compania. E caredanan di Ascot lo cuminsa mayan, pero ademas di careda dicaba e princesa heredera lo asisti tambe ne otro festividadnan. Diahuebs anochi e lo bai huesped di La Reina Elisabeth den e castillo veraniego di familia real Britanico, Windsor Castle.

E reina Ingles despues di esaki lo duna un 10 huesped un comemento special. Despues lo ser duna den un dje salanan dje castillo un presentacion particular di "Royal Shakespeare Company", cu lo ta titula "E juego di equibocastionnan".

### Plan Polaco ta inacceptable

LONDEN, 17 Juni - E minister Britanico di estado pa asuntunan di exterior Peter Thomas, a participa den Lagerhuis, cu e aliadonan occidental ta di acuerdo, cu e recien proposicion polaco pa limita armanan nuclear na Central Europa no ta acceptabel. Inglatera ya a delibera tocante e asunto aki cu otro paisnan di NAVO y tur tabata di acuerdo cu e proposicion den su actual forma ta inacceptable pa varios rason. Gobierno Polaco a wordu pone na cososimientu di un tal asunto, segun minister Thomas como contesta riba un pregunta.



Esakinan ta e conde Austriaco, Federic von Schoenborn Buchheim y princesa Isabelle di Francia, cu pronto lo sera un compromiso segun rumornan cu ta corre.

## NOTICIANAN DI POLIS

oranjestad, 17 Juni - Ariba e anochi di dia Domingo pa dia Luna segun a worde raporta na polis dos rooster di koper a worde horta. E roosternan aki tin un balor di dos mil cinco cien florin. En coneccion cu esaki e dos caballeronan N.C. y A.N. a keda deteni pa investigacion.

homer ta dal mucha

Den becindario di un carniceria na San Nicolas un homber grandi a dal un mucha di nuebe anja di tal forma cu un piedra cu esaki a worde herida. E mucha E.T. tin no mas cu nuebe anja. E caso ta worde investiga.

hortamento di dia cla

Dilanti di un rumshop na San Nicolas tabatin un caballero para cu un papel di cinco florin den su man. Un tal H.B. un bon conoci di polis kende tabata den e rumshop a sali perde tempo a

ranka e cinco florin for di man di e homber y a laga baha na awa. El a worde deteni y entretanto a paga e otro homber tres florin back. Un proces verbaal a worde traha contra dje.

### Goldwater ta hasi promesa

DALLAS, 17 Juni.- Barry Goldwater, e senador derecho di arizona a bisa den un discurso di campanya electoral cu e ta capaz pa hiba un partido republicano uni na victoria den e eleccionnan presidencial na november awor. El a bisa asina en coneccion cu e miedu di e republicanonan mas modera cu un eleccion di Goldwater como candidato pa republicanonan, lo pone hopi republicano perde e oportunidad di haya un asiento den congreso.



Ringo Starr tabata vialha huntu cu e actriz Vivien Leigh a bordo [redacted] qu a sali di Londres pa Australia. Despues di sufrir un enfermedad, Ringo a recupera den un [redacted] na Londres y a bu[redacted] ba Australia caminda Beatles ta realizando un gira.



# Nelson Rockefeller ta apoya Scranton su candidatura

NEW YORK, 17 Juni. - Nelson Rockefeller, gobernador di New York cu a pone su mes disponible como candidato republicano pa presidencia mericano, awe a declara den un rapport saca na New York que no ta lucha pa presidencia pero que lo duna su apoyo completo ne gobernador Scranton di Pennsylvania. E ultimo aki, maneraconoci a pone su mes candidato den un intento pa kibra e marcha dje senador derechista Goldwater pa candidatura pa presidencia.

Reuter a anuncia tambe cu Rockefeller no a laga sa cu acento cu e lo renuncia completamente dje candidatura pa presidencia Mericano. Observadornan na New York ta muestra cu Rockefeller en berdad na un prome votacion ne venidero conferencia republicano di partido na San Fransisco, riba cual e candidato presidencial lo wordu nom-

bra, lo pidi e delegadonan, cu tin idea di vota riba dje pa apoya Scranton, pero cu lo ta liber pe pa pone su mes na un eventual siguiente votacion o votacionan candidato, esta si Scranton, apesar dje apoyo di partidaronan di Rockefeller no logra di nombrele candidato republicano presidencial.

Rockefeller a bisa den su de-

claracionnan cu algun dje delegadonan pe venidero conferencia republicano di partido cu ta apoye, tin pa esaki un obligacion constitucional, asina cu mi no ta hanja ta justo, di kitanan fol di awor caba di nan obligacion. Rockefeller a bisa den esaki tambe, cu ora cu na november di 1963 el a pone su mes disponible como candidato republicano presidencial, a haci esaki qu e intension pa para pa e principionan basico di adelanto y moderacion, riba cual e partido republicano ta funda y cual eheusion a haci e grandi.

Ta tambe pa rason aki cu mi a llega ne conclusion cu tur cu ta comparti di ideanan, ta haci bon di tuma parti pe candidatura di gobernador Scranton. "Mi mes lo apoya Scranton completamente, y mi lo coopera cu ne pa realisa pa loke mi ta lucha". segun e gobernador - Rockefeller.



Gov. William W. Scranton

## NU ta trata politica di Sur Africa

NEW YORK, 17 Juni - E delegado di Noruega, Sivert Nielsen, a propone den reunion dje consejo di seguridad tocante politica di apartheid di Sur Africa, pa laga expertonan haci un investigacion pe posibilidad, e eficacia, y justicia di sancionnan contra Sur Africa.

E expertonan meste ta desendiente di paisnan miembro. Nielsen a papia despues cu e delegado Ruso Fedorenko a priminti apoyo Ruso na tumamentu di me-

didanan economico di presion contra Sur Africa. Fedorenko, a critica paisnan occidental pa motibu di aumento di comercio cu e pais menciona. E delegado Britanico, sir. Patrick Dean a bisa, cu no tabatin elementonan notable, cu ta exigi tumamentu di medidanan di presion segun e convenio di Nacionnan Uni. E politica di apartheid segun e no ta forma ningun amenaza directo di paz y seguridad internacional.



Awaserunan torrencial acompaña pa kibramentu di dam, a mata 28 persona na Montana mientras qu mas qu 100 otro persona a perde. Esaki ta un escena despues di e desastre na Sun River na Montana.

## Economia Mericano a recupera hopi

CHICAGO, 17 Juni - E actual recuperacion di e actividad economica na Merca ta den un stadium hopi avanza pero actividad den industria parece ta na e punto di engrandecimiento, asina "Continental Illinois National Bank and Trust Company" ta bisa den su carta noticiario. E banco ta bisa ainda e ta mira forsa den economia mericano y cu esey ta contene un promesa di nivelnan mas altu di actividad den vida industrial den e venidero lunanan despues di casi cuarenta luna di expansion continua. Parce cu rebaho di beasting ta logrando su intento door di un estimulacion poco poco di actividad economico riba tur nivel - compra di consumidornan, inversionnan den industria y e deficit di gobierno federal.

## Johnson ta invita premier di Grecia

ATHENA, 17 Juni - Di fuente autorisa na Athena a ser participa cu president Johnson a invita e prome minister Griego Papandreu pa bishita Washington, pa delibera tocante kestion Cyprus. Ta ser spera cu e prome minister lo acepta e proposicion.

Segun e vocero relaciona e fecha cu e gobierno Griego lo stipula lo no cai huntu cu e bishita, cu e prome minister Turco Inonu lo haci venidero fin di siman na president Johnson.



Riba e aeropuerto militar Tan Son Nhut na Saigon un cantidad di helicopter H 21 ta para cla. E helicopternan aki cu tabata hopi

importante den e principio di e guerra na Sur Vietnam, awor a keda reemplaza pa turbo-jet helicopternan.



# Conferencia tocante Maleisia ta sigui

TOKIO, 16 juni.- Indonesia y Maleisia a yega na un acuerdo tocante e asunto di retiro di e trupanen Indones for di e parti di Borneo cu ta pertenece na Maleisia, asina e intermediador Filipino, Salvador Lopez, a participa na Tokio despues di deliberacionnan entre president Macapagal di Filipinas y premier Abdoel Rachman di Maleisia.

Un post pa vigilancia riba e retiro di e guerilleronan indones lo worde establece na Sabah, un otro na Serawak. E minister di exterior di e tres paisnan en cuestion lo dicidi na nan reunion prome cu e conferencia, unda e dos postnan di control lo mester bini.

E prome minister malasio Abdoel Rachman, a acepta un compromiso tocante e retiro di trupanen guerillero indones for Borneo Malasio. Na su llegada na Tokio Rachman a bisa di lo bai di acuerdo cu e proposicionnan Thailandes tocante e cantidad di puntonan di control pa e retiro aki. Observadornan ta di opinion cu actualmente e perspectivanan riba un conferencia cumbre Indones, Filipino, Malasio den capital Hapones a mihora. E prome minister di Malasia ya a bisa caba, di lo no participa na un tal conferencia cumbre, prome cu e guerilleronan Indones no wordu retira for Malasia. Tambe el a bisa cu e retiro aki meste cuminsa, prome cu nan tene un reunion ministerial. Pero poco despues cu el a llega Tokio, Rachman a bisa di lo keda satisfecho cu 4 punto di control, esta si esakinan ta situa den territorio di frontera. (Indonesia ya a bai di acuerdo cu e proposicion Thailandes). Door dje consecion Malasio a

bira posibel riba nivel ministerial un reunion dje tres paisnan. Un tal reunion ta local ta wordu exigui pa un conferencia cumbre. Un boser di president Soekarno, cu ya ta varios dia na Tokio, Mescos cu e president di Filipina Macapagal, a bisa, cu banda di diamars meste tuma un decision tocante e conferencia cumbre.

teritorio di 3.000 meter cuadro ta hanja su nomber, ta ser considera como e cuartel general dje bandido Pedro Antonio Marin, alias Tirofijo y su ayudantenan. E accion contra e bandidonan, cu a cuminsa varios siman pasa, a hanja ayera su punto culminante ora cu militarnan a hanja resistencia serio dje revolucionario. Tirofijo y su colaboradornan mas cercano a logra hui pe serrunan. Prome nan a sende algun cas den cual tin documentonan cu ta compromete nan e republica independiente di Marquetalia tabata inspira pa comunistanan.

Un militar a keda herida. No ta conosi cuantu victima tabatin entre e bandidonan.

## Huelga ferroviaria na Merca ta expande

KANSAS CITY, 17 Juni - Na Merca un huelga di guarda frenonan y guarda agujas a expande te na un di seis compania di ferroviaria.

Di fuente sindicalista a ser participa cu actualmente cinco mil persona ta huelga y cu actualmente no ta corre trein den shete estado, entre otro Nebraska, Kansas, Missouri, Oklahoma, Arkansas, Texas, y Louisiana. Den varios di esakinan nan ta terminando cu coseha di trigo.



Reina Elisabeth di Inglatera ta tene su jiu homber di tres luna, prins Edward den su brazanan riba e balcon di Buckingham Palace despues di "Trooping the colour" dia 13 di Juni. Den centro prins Andrew di cuater anja y prins Philip.

Door di un llovida insesante e mainsh no por keda den aire, pero door dje huelga di ferroviaria ta imposibel pa transportan pa graneronan.

## E asunto di Maleisia

TOKIO, 17 Juni - Premier Abdoel Rachman di Maleisia awe a expresa e speranza, cu e minister di exterior di Indonesia, Filipinas y Maleisia lo reuni awe. El a duda, si ya lo por traha un agenda, pasobra asina el abi-

sa, ainda tin e asunto di retiro di e guerilla Indones for di Borneo Maleisiano.

E minister di exterior di Maleisia, Ghazali, a explica despues, cu e cuminsamentu di un conferencia di minister ta depende di recepcion di un noticia di Thailand, cu Indonesia berdaderamente a cuminsa retira su trupanen. Un tal participacion no a worde ricibi ainda.

## Ola di calor na Hulanda

DEN HAAG 17 Juni - Mas o me-

nos 11 persona a hoga e fin di siman aki na Ulanda durante e weer cayente. E temperaturanan a subi te riba 85 grado Fahrenheit, e weer di mas calor di Juni for shete anja pasa.

Hopi a busca refrescamentu den laman riunan o luganan di landa. Tabata mayoria parti muchanan cu a hoga. Despues di un calor tropical mal tempunansa refresco hopi. Riba e isla Textel tabatin un mal tempu cu a causa hopi danjo ne casnan na playa y no a laga muchu di nan atras.

## Critica di Eisenhower pa democraatnan

PHILADELPHIA, 17 Juni - Merca mester ehecuta un papel di lider y no actua como protegador. E lazonan entre nos y nos aliadonan a debilita ultimo tempu a consecuencia di cierto errornan cu a worde comete pa cierto personanan y a consecucionan di e sistema di traha cu nan a utiliza, asina ex president general Eisenhower a bisa ayera na Philadelphia na un reunion di eleccion di e partido republicano.

Eisenhower no a sigui riba e punto ey. Pero el a sigui cu: "no ta posibel pa regla asuntunan diplomatico importante en publico. Esey mester sosode den deliberacionnan cu portanan sera.

## Prohibicion monetario na Argentina den vigor

BUENOS AIRES, 17 Juni - E banco central Argentino a prohibi venta di placa di oro y oro cu no a worde usa ainda pa traha, na publico.

Tambe el a hala e permiso na individualnan pa compra un suma di cincuenta dolar pa luna na placa extranjero. Solamente sumanan limita lo worde bende en lo futuro na hendenan cu ta bai exterior.



E colonia real di Gran Bretaña, Hong Kong, cu un populacion di 3.750.000 habitante ta cambiando y creciendo constantemente. E fotonan nobo aki ta muestra den foreground Victoria Park, qu ta cubri 53 acre di terra qu a ser di dempel. Den background por mira

e edificacionan di apartamento nobo y Peak y Causeway Bay. E botonan chikitu riba nan mes ta forma un ciudad flotante cu un populacion di miles di hende.



## Acuerdo na conferencia mundial di comercio

GINEBRA, 16 Juni. - Ayera e conferencia mundial di Ginebra a yega na un acuerdo tocante e formacion di un organo permanente, cu mester sigui cu e trabao di e conferencia despues cu e deliberacionnan di Ginebra termina..

E 75 paisnan menos desarrolla a acepta un proposicion tocante e asunto ey cu e secretario general di e conferencia, E Argentino Dr Prebish. E proposicionnan ey ya tabata aproba pa e paisnan di occidente y Japon. Den e proposicionnan ta worde declara, cu e pasinan africano lo haya un representacion mas fuerte den e organo permanente di comercio, cu lo worde forma. Tambe e paisnan di Europa Occidental lo haya un asiento mas, bou di e condicion cu e paisnan industrialisa di occidente tambe por nombra un representante extra. E cantidad di asientonan den e organo aki no ta worde menciona. E organo lo dicide riba base di e regla, cu cada pais lo tin un voto, e directiva di e organo, lo tuma su decisionnan cu un simple mayoria.

Tur decisionnan mester worde aproba pa e asamblea general di Nacionnan Uni.

E grupo di desaroiio unanimemente a duna su aprobacion na e formula di compromis tocante e principionan, cu a worde elabora door di e president di e conferencia mundial di comercio, Kaissoni, y representantenan di paisnan di desaroiio e industria.

E formula cu a worde logra lo mester worde aproba na e reunion plenaria huntu cu e acuerdo tocante institucionan. Awor ta posibel, cu e conferencia lo sigui normal cu e documento final ta worde firma.

Si e conferencia termina en berdad, anto e ta solamente un dia retarda.

## Explosion den mina di carbon di Wales

PORT TALBOT, 16 juni. - Un explosion den un mina di carbon na Bryn den sur di Wales a costa bida di tres trahador. Dos obreiro a worde transporta cu quemaduras na hospital. Ainda tin un cantidad desconoci sera den e mina. Tabatin mas o menos treinta homber ta traha den e mina ora cu e explosion a tuma lugar. Gruponan di rescate di minanan pega ya a yega pa duna yudanza.

## Chroesjef a jega Dinamarca

KOPENHAGEN, 17 Juni - Premier Chroestsjow di Union Sovietica, cu lo haci un bishita na paisnan di Scandinavia a yega Dinamarca, unda ei a worde ricibi pa premier Krag.

Premier a bisa den su discurso di bienvenida cu e bishita di Chroestsjow ta un honor pa su pais. E ta spera, cu e lo ta un importante contribucion pa estrecha e lazonan Ruso-Danes. Den su contesta riba e discurso di e premier Danes Chroestsjow a bisa cu e ta contentu, cu awor ei a haya oportunidad di sinyar conoze pueblo Danes.

Segun polis tabatin 4.000 persona cu a bini pa mira e bishitante Ruso.

Croestsjow no a bai Kopenhagen e so. Ademas di su esposa Nina Petrova, cu a haya e nomber di "Arma secreta di Chroestsjow" serca un periodista Mericano, e premier Ruso tin huntu cu ne su cuater yunan, Rada, Julia, Jeiena y Serge y tambe su yerno Adzjoebel.

Ademas ta huntu cu e grupo e minister di exterior Ruso, Andrei Gromiko.

Hombiernan rana lo vigila e bapor Ruso tanten cu e ta den haaf di Kopenhagen.



Un mama vietnames ta hui cu su jiuinan for di un pueblo serca e frontera cu Cambodja.

## Jamborette na Surnam

PARAMARIBO, 17 Juni - E sociedad Surnameyo di scoutnan lo cumpli cuarenta anya di existencia, dia 29 di juli awor, na ocasion di cual lo tin un "Jamborette" di 20 te 30 di augustus. Mas o menos cinc padvinder lo participa na e jamborette segun calcula. Mitar di e 500 ey lo ta Surnam mes.

Uianda lo worde representa pa 25 persona. Di Guyana Ingles ta bini e contingente di mas grandi esta cien padvinder.

Ademas a priminti di participa "Antillas Uandes (sesenta scout), Barbados, Guyana Frances y Merca.

## E purificacion na Brasil

RIO DE JANEIRO, 17 Juni - Cincu gobernador di estado y 55 delegadonan federal ta entre e 269 personanan cu a worde destitui di nan puesto of quendenan a perde nan derechonan politico den un serie di decision di purificacion di president Branco di Brasil.

E medidanan entre otro ta azota tres ex-president, esta Kubitschek Quadros y Goulart, e arquitecto Oscar Niemeyer - proyectador di Brasilia - y dr. Josque de Castro, ex-president di e delegacion brasiieny na e deliberacionnan di desarme na Ginebra.

E president nobo cu en general ta worde considera un homber modera entre e lidernan di e revolucion di april, a resisti e presion pa expande su autorizacionnan arbitrario.

Parce cu el a kita hopi for di iistanza di purificacion, cu e con-

seho nacional di seguridad a entregue.


## Contribucion di mericanonan na Cuba

HAVANA, 17 juni - Pa por duna un contribucion chiqui na e revolucion Cubana 75 Mericano, mayoria di nan estudiante, cu diabierne a yega e capital Cubano for di Praag, a dicide pa duna sanger pa e banco nacional Cubano di sanger, asina e diario Cubano "La Tarde" anuncia. E ministerio Mericano di exterior, manera tabata anuncia, a iaga sa siman pasa, cu e bishita di e grupo na Cuba ta contra di e stipulacionnan Mericana di viaje. Nan lo tuma pasonan hurido contra e miembronan di e grupo.

Segun e corant, "La Tarde" e bishitanan Mericano a dicide na dividi den diferente grupo di estudio pa pone nan mes na altura di e hechonan di e revolucion Cubana.

## Sra. Nhoie invita pa bai Merca

PARIS, 17 juni. - Senyora Ngo Dinh Nhoie, di defuntu president Ngo Dinh Diem di Sur Vietnam, a haya un invitacion di partido republicano di Merca pa durante e campanya electoral na Merca pa presidencia di e pais, e bini Merca pa splica e erronan cu e actual gobierno Mericano (democraatnan) a comete na Indio China. Senyora Nhoie, cu a duna e noticia aki den un entrevista cu e corant "France Soir", a agrega cu e no sa ainda si e ta bai.



President Johnson di Merca ta hinca un cheque di 50000 dollar den su cartera, cual a worde entrega pa e canceller federal di Alemania occidental, Ludwig Erhard. E placa ta un contribucion aleman pa organisacionnan manera Peace Corps.



# AGENDA

**ARUBAANSE COURANT**  
 diariamente cu excepcion di  
 diadomingo  
 subscripcion f. 3.25 pa luna  
 edicion los 20 ct.  
 edita pa:  
**N.V. ARUBAANSE DRUKKERIJ**  
 - en UITGEVERS - en PUBLI-  
 CITEITS MIJ.  
 Imprimi na:  
**N.V. DRUKKERIJ**  
**"DE STAD"**  
 Telefoon 1116 Directiva y redac-  
 cion, 2116 Anuncio y subscrip-  
 cion.  
 Directeur hoofdredacteur:  
 D. Wolff.

**POR CUMPRAR ARUBAANSE**  
**COURANT NA E SIGUENTE**  
**LUGARNAN:**  
 NA ORANJESTAD:  
 BOEKHANDEL MARISKA,  
 PIET SODA FOUNTAIN,  
 REFRESQUERIA INGRID.  
 NA SAN NICOLAS  
 NICOLAAS STORE,  
 UNION STORE.

**BOTICANAN DI WARDA**  
 Oranjestad Botica  
 del Pueblo Tel: 1253-2154; San  
 Nicolas Botica San Lucas Tel:  
 5119.

**CINE**  
 De Veer: 2.00 p.m. "Asi era mi  
 madre" all  
 8.30 p.m. "The War Lover" 18 j  
 Rialto: 8.00 p.m. "Estos años  
 violentos" 18 j  
 Principal: 8.00 p.m. "Ursus de  
 Wreker der Slaven" 18 j  
 Aurora: 7.30 p.m. "Term  
 Triai" 18 j  
 Savaneta: 8.00 p.m. "Varan, The  
 Unbelievable" all

**TELEARUBA**  
 6.00 Public Service  
 6.30 Dutch Film  
 6.45 Papiamento newscast Live  
 & Filmnews  
 7.30 Phil Silvers  
 7.45 This Man Dawson  
 8.15 Concentracion  
 8.45 English newscast Live  
 & Filmnews  
 9.00 Wire Service  
 10.00 Wrestling

## RADIO VICTORIA

- 6.00 Peticiones
- 6.15 E Bijbel Habri
- 6.30 Ultimas Noticias
- 6.45 Ecos DEL Cielo
- 7.15 Bo Musica Favorito
- 7.45 Delicados Pastos
- 8.00 La Hora Nazarena
- 8.15 Joyas Del Hogar
- 8.30 Ultimas Noticias
- 8.45 Musica Di Banda
- 9.00 Noticias Español.
- 9.15 Melodias Del Alma.
- 9.30 Morning Melodias
- 10.00 World News
- 10.10 The Bible For You
- 10.15 Through The Bible
- 10.45 Sacred Songs
- 11.00 Chapel Of The Air
- 11.15 Novela Cristiana
- 11.30 Melodias Di Merdia
- P.M.
- 12.00 Ultimas Noticias
- 12.15 Musica Sagrada
- 12.24 Thought For The Day
- 12.30 World News
- 12.45 Quiet Time
- 1.00 Radio Concert Hall
- 2.00 Reading Room
- 2.15 Songs Of Zion
- 2.30 Quiet Hour
- 2.45 Radio Revival
- 3.15 World News Headlines.
- 3.20 Ensueños Musicales
- 3.45 Musica Di Banda
- 4.00 Bo Pregunta Contesta
- 4.15 Ultimas Noticias
- 4.30 E Ora Adventurosa
- 4.45 Noticias Español.
- 5.00 Cafe Con Musica
- 5.15 Palabranan Di Bida
- 5.30 Light And Life Hour
- 6.00 World News
- 6.15 Miracles
- 6.40 Musical Interlude
- 6.45 Listening Post
- 7.00 Children's Gospel Hour
- 7.15 Off The Record
- 7.30 Back To The Bible
- 8.00 Musical Gems
- 8.30 Nederlands Nieuws
- 8.45 Christus Tot De Volkeren  
 Der Aarde Gebracht
- 9.00 Klassieke Muziek
- 10.00 Sign Off.

- 10.00 Noticia Interracial.
- 10.05 Ritmos Latinos
- 10.30 Programa di H. Habibe Jr
- 11.00 Noticia Internacional.
- 11.05 Musica Norte-Americana.
- 11.15 Musica Antillana.
- 11.30 Musica Varia.
- 12.15 Noticia Internacional  
 (Schlitz)
- 12.30 Musica Norte - Americana.
- 12.45 Noticia Lokaal (Viana)
- 01.00 Musica Varia
- 01.30 Ripiticion Boekbespreking  
 P.Heuvel.
- 01.45 Boleros
- 02.00 Novela (Ripiticion)
- 02.30 Peticiones
- 03.15 Ritmos di Caribe
- 03.45 La Macorisane & Interna-  
 cional Supermarket.
- 04.00 Musica cu sabor Azteca
- 04.30 Noticia Lokaal(Heineken)
- 04.45 Cocktail Musical.
- 05.00 Danzones Cubanos
- 05.15 Musica Varia.
- 06.00 Noticia Deportivo (Gillette)
- 06.15 Musica Varia
- 06.30 R.V.D. (Regering Voorlich-  
 tings Dienst)
- 06.45 Groeten uit Nederland
- 07.00 Noticia Internacional na  
 parlamento.
- 07.15 Musica Europeo
- 07.45 Musica Norte Americana  
 (Instrumental)
- 08.15 Novela (Golgata)
- 08.45 Musica Varia.
- 09.15 Hit Internacional
- 09.45 Variacion Musical
- 10.00 Sluiting



Miles di kolo, cria cu hopi trabao, awor ta drumi manera sushi banda di Warmenhuisen.

## RADIO CARACAS TELEVISION

- 8.45 Senderos de luz
- 9.00 T.V. Educativa
- 10.30 Cosas de mujeres
- 11.15 El hogar y la moda
- 11.45 Novela
- 12.00 Noticias
- 12.05 Show de Renny
- 13.15 Se necesita una amiga
- 13.35 Cortos
- 14.00 Yo se lo vendo
- 14.30 Documental
- 15.00 Estudio de Hector Monte-  
 verde
- 15.30 Perfecta ama de casa
- 16.00 Mejias y sus muchachos
- 17.00 El padre soltero
- 17.30 Circo de frontera
- 18.30 Club musical
- 19.00 Ruta 66
- 20.00 Bonanza
- 21.00 El Observador Creole
- 21.15 Arresto y juicio
- 22.45 Alfred Hitchcock
- 23.15 Noticias Panam

## Victimanan di maniac na Colonia ta aumenta

COLONIA, 17 Juni. - Despues di cinco anochí te ainda tin 16 mucha, cu na Colombia abira victima di un homber cu tabata mental -

mente enfermo y cu a pega nan clas na candela, ta den peliger.

Tambe e juffrouw di school Anna Langhor di 67 anja su bida ta na peliger. Ayera un di e muchanan a muri a consecuencia di e heridanán, mayoría quemaduranan grave, cu ela sufri. E Diesun muchanan cu ta menos grave aki dos siman lo worde a tende pa especialistanan cu lo trata pa cia di transplantacion di carni, drecha cuminda cu e maduranan a causa danjo. Ta imposibel pronostica resultado di e operacionnan ey. E tratamentu lo dura hopi luna. Tur e muchanan lo queda cu marcanan eterno. (Manera ta conoci e maniac a corre drecha cura di e

school, siman pasa diahuebs, y a causa un destruccion den cura di school ora cu el a pone un vlammenwerper prome riba e muchanan den cura y despues riba e muchanan den klas. E juffrouw el a hinca cu un punya lar-  
 gu.)

## Duvalier president perpetua di Haiti

NEW YORK, 16 Juni. - Francois "Papa" Doc Duvalier ayera pa eleccion cu a worde tene na Haiti, a worde eligi atrobe como president e biaha aki perpetua. E tabata e unico candidato. Duvalier ta president for di anja 1957. Na anja 1961 e mes a declara e ta reelegi te na anja 1957.

## Coda Civil nobo na Union Sovietica

NEW YORK, 17 Juni - Nelson Rockefeller, gobernador di New York, cu a pone su mes disponible como candidato republicano pa presidencia mericano, awe a declara den un rapport saca na New York cu e no ta lucha pa presidencia, pero cu e lo duna su apoyo completo ne gobernador Scranton di Pennsylvania. E ultimo aki, manera conosi a pone su mes candidato den un intento pa klbra e marcha dje senador derechista Goldwater pa candidatura pa presidencia.

## Victima di boxeo

Manilla, 17 Juni - Rey Romero, un pugilista Filipino di 21 anja, a muri den un hospital na Manilla, despues cu diasabra el a ricibi un knockout. Romero, cu a worde transporta pa hospital fuera di su cono-  
 cimento, no a recobra esey, aunque cu tabatin un intervencion quirurgica. Tabata e di tres pelea cu Romero a bringa como profesional.

## EVACUACION NA CONGO

Elisabethville 17 juni. 200 muher y mucha a ser evacua awe di Albertville den un boto, despues cu mana anuncia cu rebelde-  
 nan, apoya pe comunistanan, tabata avanza pe ciudad.

Nan a bisa cu e rebelde nan tabata mas o menos 105 kilometer na norte di e capital di e provincia Norte-Katanga. Pa enfrenta e ataque, nan a manda dos batallon di trupanan di ehercito congolese Albertville cu avion.

Varios siman pasá Albertville a cai den poder di e rebelde nan, pero despues a ser recaptura pa forsanan di gobierno.

E muher y muchanan a ser evacua for di ciudad via di e lago di Tanganyika, pe ciudad Burundi.

Fuentenan digno di credito a bisa cu e rebelde nan a ataca e ciudad Bandera ya largu un planta central electrica for di accion,



PA UN TATA QU TIN TUR COS -- Si bo no sabi kiko duna bo tata riba Father's Day y si e ta cansa di feita (y ken no ta cansa di feita tur dia?) talves e schelp aki riba lo ser aprecia como regalo. Indiannan, quendenan ta conoci pa no tin barba, tabata ranca nan barba cu e schelpnan aki.

**RIP KIRBY**

pa cortesia di:

**JAN BODEGOM & CO (ARUBA) N.V.**

Agente exclusivo di

**FRIESCHE VLAG**

lechi evaporado y lechi en potvo

**MAXWELL HOUSE KOFFIE.**

**Horoscopo personal**

**ARIES-21 di maart-20 di april-** Quizas no ta vale la pena recorda e irritacionnan di e dia aki.

**TAURO-21 di april-21 di mei-** Esaki ta un dia den cual mester worde lubida encunto di loke bida ta carece. Pensa den loke bo tin caba y keda agradecido.

**GEMINIS-22 di mei-21 di juni-** Esaki ta un dia den cual bo por converti bo facultad pa e invencion den solucionnan brillante pa e actual problemanan.

**CANCER-22 di juni-23 di juli-** Un bon criterio y cuidadoso mester permiti contra-balancea un dia cu definitivamente a confundí e tendencianan. Pensa Bon!

**LEO-24 di juli-23 di augustus-** Dirigi bo pensamentunan afor y leeuw di e cuestionnan di propio interes. E personanan allaga na bo lo beneficia pa bo accion generoso.

**VIRGO-24 di augustus-23 di september-** Persiguiendo bo objetivo den un forma firme y longividente mester colocabo ala vista di bo meta.

**LIBRA-24 di september-23 di october-** Quizas bo mester escohe entre ser astuto y ser bon. E respuesta evidente quizas por ta erronea.

**ESCORPION-24 di october-22 di november-** E completo entendimentu di bo propio negoshi lo hasi cu bo lo pasa e dia aki cu poco dificultad y hopi éxito.

**SAGITARIO-23 di november-22 di december-** Compra y ventanan quizas lo no resulta asina facil manera bo a anticipa. Bo mester conoce mercado bon promer cu bo comercia den dje.

**CAPRICORNIO-23 di december-20 di januari-** No desanima bo mes si e sociedadnan ta baha e dia aki. Esakinan lo mehora cu penetracion y esfuerso.

**ACUARIO-21 di januari-19 di februari-** E Acuario cu no bira victima di otronan mester sigi e maxima di "Stima bo prohimo manera bo mes."

**PISCIS-20 di februari - 20 di maart-** Escohe e ayudantenan cu bo lo usa pa bo actual proyectonan cu masha cuidao. Hende mesco cu boeki mester ser studia pa worde comprende.

**Demostracion contra arzobispo di L.A.**

LOS ANGELES, 17 Juni. - Un grupo di catoliconan Mericano, cu ta hiba accionnan contra discriminacion racial na Merca, a anuncia dilanti di cas di cardinal Mc Intyre, arzobispo di Los Angeles, cu nan lo demonstra ta ora cu e duna su opinion den e asunto racial. Nan a cuminsa para ayera dilanti di cas di e cardinal. E religioso catolico di Los Angeles, Dubay a pidi papa entre tanto pa duna e cardinal su retiro. El a acusa e cardinal di abuso di poder y delito di trabao. Despues cu el a publica su peticion na papa, Dubay a worde destitui di su puesto como gerente interino di e iglesia San Alberto. Mayororia di e paroquianan di e misa ey ta hendenan di color. Cardinal Mc Intyre te awor aki no a bisa nada den e asunto di rasa na Merca. Otro religiosonan na Los Angeles a declara cu cardinal Mc Intyre ya a yega di duna su opinion tocante e problema racial den declaracionnan anterior. Parce cu e no ta na favor di demostracionnan pa igualdad racial.



**CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.



**BUCHI ROBEZ**



**PEPITA**

with compliments of

**OFICINA MARITIMA DE ARUBA**

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



**DICK TRACY**

